

初

潭

集

初潭集卷之四

夫婦四

○一苦海諸媼

○韓馮戰國時爲宋康王舍人妻何氏美王欲之捕舍人作青陵臺何氏作烏鵲歌以見志曰南山有烏北山張羅烏自高飛羅當奈何烏鵲雙飛不樂鳳凰妾是庶人不樂宋王遂自縊死

○○班婕妤以選入宮貴幸嘗從游後庭帝欲召與同輦載辭曰觀古圖畫賢聖之君皆有各至主則三才未

主乃有嬖女今欲同輦得無近似之乎上善其言而止後趙飛燕姊弟自微賤興諸婕妤祝詛上因考問婕妤對曰妾聞死生有命富貴在天修正尚未蒙福爲邪欲以何望使鬼神有知不受不臣之愬如其無知愬之何益故不爲也上善其對賜黃金百斤然婕妤好恐久終見危求得共養太后長信宮因作自悼賦大見識

○○○李固旣策罷知不免禍乃遣三子歸鄉里少子燮時年十三燮姊文姬爲同郡趙伯英妻賢而有智兄三

子歸默然獨悲曰李氏滅矣密與二兄謀藏匿爕托  
言爕還京師有頃難作下郡收固三子文姬乃告其  
父門生王成曰君執義先公有古人之節今委君以  
六尺之孤李氏存滅其在君矣成感其義乃將爕乘  
江東下入徐州界變姓名爲酒家傭而成賣卜於市  
各爲異人陰相往來爕從受學酒家異之意非恒人  
以女妻爕爕精專經學十餘年間梁冀旣誅求固後  
嗣爕乃以本末告酒家酒家具車重遣之姊弟相見  
悲感旁人姊因戒爕曰先公爲漢忠臣遭遇傾亂梁

冀肆虐令吾宗祀將絕今幸而得濟愼無以一言加於梁氏加梁氏則連主上禍重至矣爰謹從其誨  
○李姬趙娥一也娥主於復讐故性命不顧姬主於有後故委曲圖全皆所重者父也但其才智實有大過人者人亦何必不女人之父亦何必以女女之乎若但好名將安用之

○王大將軍執司馬愍王夜遣世將載王於車而殺之當時不盡知也雖愍王家亦未之皆悉而無忌兄弟皆稱王胡之與無忌長甚相暱胡之嘗共遊無忌入

告母請爲饒母流涕曰王敦害肆虐汝父假手世祿  
吾所以積年不告汝者王氏門彊汝兄弟尚幼不欲  
此聲著蓋以避禍耳無忌驚號捕刃而出胡之去已  
遠

仁傑之姊世俗所誇無忌之母卓老所嘆

中和間時溥旣平黃巢獻俘於朝巢姬妾百數僖宗  
宣問姬妾汝等皆勲貴子女世受國恩何爲從賊其  
居首者曰狂賊凶逆國家以百萬之衆失守宗祧播  
遷巴蜀今陛下以不能拒賊責一女子置公卿將相

於何地乎。僖宗不復問，盡戮於市。人爭與之酒，居首者獨不飲，不泣。至於就刑，神色肅然。

○元相得罪，夫人王氏韞秀，少有識量，節概代宗欲令入宮，備彤管箴規之任。王歎曰：「王家十三娘，二十年太原節度使女，十六年宰相妻，得罪亦幸矣。誰能書得長信昭陽之事乎？」

○○琅琊海曲有呂母者，子爲縣吏，宰以私意論殺之。呂母怨宰，母家產數百萬，盡以釀酒，買刀劍衣服。少年來酤者，賒與之乏者，輒假之衣服，未數年而財用盡。

少年方相與謀出財償母母泣告曰所以厚諸君者非以求利也徒以縣宰不道枉殺吾子故耳諸少年咸哀而壯之遂相約至數千百人與呂母亡入海宋聚衆爲羣盜呂母自稱將軍引兵還攻海曲執縣宰諸吏叩頭請宰母曰吾子不當死而爲宰所殺殺人當死又何請乎遂斬宰以其首祭子冢

○○○  
孫翊爲丹陽守嬀覽時爲都督督兵戴貞爲郡丞與左右親近邊洪等數患苦翊會翊送客洪從後斫殺翊走入山翊妻徐氏購募追捕得洪殺之覽遂入



居軍府悉取翊嬪妾及左右侍御欲復取徐徐悲見害乃給之曰乞須明日設祭除服乃可覽聽之徐潛使人語翊舊將孫高傅嬰等高嬰相與涕泣共盟誓合謀到晦日徐氏設祭畢乃除服薰香沐浴更於他室安施幃帳言笑歡悅大小悽愴恠其如此覽密覘視無復疑意徐先呼高嬰與諸婢羅列戶內覽入徐出戶拜覽卽大呼高嬰俱出遂共殺覽餘人就外殺負徐乃還線經奉覽負首以祭翊舉軍震駭以爲神異。

李新聲，邯鄲李嚴女也。太和中，張谷納之以備歌舞，及長大，妍麗豐足，殊不似下賤人。又能傳故都聲，有時涼曉哀轉，歷歷雅爲谷所愛。及劉從諫得父封谷，以窮遊佐其事。新聲謂谷曰：妾於公直巾履間狎玩者耳，除歌酒外，不足以應顧問。然食人之食，憂人之憂，理也。前日天子授從諫節度使時，非從諫有野戰之功，援城之績，蓋以其先父挈齊還我，去就間未能奪其嗣耳。而公不幸爲其屬，則牽制之道在此，不在彼也。自劉氏奄有全趙，更改歲時，未嘗聞以一縷一

蹄爲天子壽且章武朝數鎮覆皆以雄才傑器尚不能固天子恩况從諫擢自兒女子手中一旦襲如何家業苟以不法而得亦宜以不法而終是不爲齊鬼所酬而死於帳者幸矣孰謂公從其事反不知其事者哉若不能早折其肘臂以作天子計則宜脫旅西去大丈夫勿顧一飯恩以骨肉腥健兒衣食言訖悲泣流落谷不決竟從逆死

宋時叛卒寇南劍州道出小常村掠一民婦欲與亂婦誓死不受污遂遇害棄屍道傍賊退人爲之收瘞

屍所枕藉處跡宛然不滅每雨則乾晴則濕或割去  
卽復見覆以他土其迹愈明

208 晉姚氏婦楊氏閩人符承祖姨也承祖爲文明太后  
所寵楊氏謂其姊曰姊雖有一時之榮不若妹有無  
憂之樂常著破衣自執勞事承祖遣人乘車往迎之  
楊不肯起遣人強舉致車上反大哭言爾欲殺我也  
以是符家內外皆號爲癡姨及承祖敗有司執其二  
姨至庭姚氏婦衣裳敝陋特免罪

建中末李希烈陷汴州謀襲陳李侃爲項城令欲逃

去婦曰、寇至當守、力不足則死焉、逃之若重賞募死  
士可守也、侃乃召吏民告之曰、令誠若主然、滿歲則  
去、非如吏民生此土也、墳墓皆在、宜相與竭力死守、  
衆皆泣、乃徇曰、以瓦石擊賊者、賞錢千、以刀矢殺賊  
者、錢萬、得數百人、率以乘城、婦身自炊爨、以享衆、使  
報賊曰、項城父老、義不下賊、得吾城不足爲威、宜亟  
去、徒失利無益也、會侃中流矢走還、婦怒曰、君不在、  
人誰肯守、死於外、不猶愈於牀乎、侃乃登城、賊引去、  
縣卒完、

○李昌夔在荊州打獵大修裝飾其妻獨孤氏亦出女  
隊二千人皆著紅紫繡襖子及錦鞍韉

○此與夫人城一也可謂真男子矣若無忌母嫉奸  
班從巢者孫翊妻李新聲李侃婦海曲呂母皆的  
的真男子也天下皆男子夫誰非真男子者而曰  
真男子乎然天下多少男子又誰是真男子者不  
言真吾恐天下男子皆以我爲男子也故言男子  
而必繫之以真也

○蔡琰聰慧秀異年六歲時父夜鼓琴絃絕琰曰第二

續父故斷一絃問之琰曰第四絃

○漢元帝宮人既多乃令畫工圖之欲有呼者輒披圖召幸其中常者皆行貨賂王昭君姿容甚麗志不苟求工遂毀爲其狀

○文穎曰昭君本蜀郡秭歸人也琴操曰王昭君者齊國王穰女也年十七儀容絕麗以節聞國中長者求之者王皆不許乃獻漢元帝帝造次不能辨房帷昭君恚怒之會單于遣使帝令宮人裝出曰欲至單于者起昭君喟然越席而起帝視之大驚悔是時使者

並見不得止乃賜單于

○昭君有子曰世遠單于死世遠繼立凡爲胡者父死妻母昭君問世遠曰汝爲漢也爲胡也世遠曰欲爲胡耳昭君乃吞藥自殺石季倫曰昭以觸文帝諱改爲明

○蔡文姬王明君同是上流婦人生世不幸皆可悲也

○元封中以江都王建女絳君爲公主妻烏孫王昆莫昆莫年老言語不通公主悲哀自作歌曰吾家嫁我



今、天、一、方、遠、託、異、國、今、烏、孫、王、窮、廬、爲、室、今、旃、爲、牆、  
以、肉、爲、食、今、酪、爲、漿、居、常、土、思、今、心、內、傷、願、爲、黃、鵠、  
今、歸、故、鄉、昆、莫、乃、上、書、請、使、其、孫、尚、公、主、詔、許、之、公、  
主、不、聽、亦、上、書、言、狀、天、子、乃、報、使、從、其、俗、  
○是、亦、一、明、君、也、悲、矣、孝、武、報、使、使、從、其、俗、又、非、聖、  
天、子、而、何、

○庾玉臺希之弟也希誅將戮玉臺玉臺子婦宣武弟  
桓豁女也徒跣求進閤禁不內女厲聲曰是何小人  
我伯父門不聽我前因突入號泣請曰庾玉臺常因

人脚短三寸、當復能作賊、不宣武笑曰、壻故自急遂  
原玉臺一門

○○蔡文姬博學有才辨、妙於音律、適河東衛仲道、夫亡  
無子、興平中喪亂、爲胡騎所獲、沒於南匈奴、左賢王  
十二年生二子、曹公素與伯喈善、遣使以金璧贖之  
嫁與董祀、祀犯法當死、文姬詣曹公請之、時公卿名  
士及遠方使驛坐者滿堂、操謂賓客曰、蔡伯喈女在  
外、今爲諸君見之、及文姬進、蓬首徒行、叩頭請罪、辭  
音酸哀、衆爲改容、操曰、誠實相矜、然文狀已去、奈何

文姬曰明公廐馬萬匹虎士成林何惜疾足一騎而不濟垂死之命乎操感其言乃追原祀罪  
○壻故自急二氏一律桓公親親曹公賢賢嗚呼曹公於是爲不可及矣

○二彼岸諸媼

○漢黃門郎程偉好黃白術妻方氏偉常從駕無時衣妻請致兩綃綃無故至前偉按枕中鴻寶作金不成妻出囊中藥少許投之卽成偉大驚曰道在汝處而不告我何也妻曰得之須有命偉日夜說誘之賣田

宅以供美食衣服終不肯告偉乃與其侶謀欲仗之  
方氏輒知之曰傳道必當得人如其人雖道路相遇  
當傳之非其人雖寸斷而支解終不傳也偉逼之不  
止妻乃發狂裸而走以泥自塗尸解去

○張麗英面有奇光不照鏡但對白紈扇長沙王吳芮  
聞而聘之女聞芮來登金精山仰臥被髮覆石鼓下  
咸謂已死忽紫雲鬱起遂失所在惟留歌一首石鼓  
石鼓哀哉下土自我來觀民生實苦哀哉世事悠悠  
我意我意不可辱今王威不可奪有鸞有鳳自舞自

歌凌雲歷漢遠絕塵羅世人之子其如我何

○孫收妻袁氏到端州峽山寺持碧玉環獻僧曰此是  
院中舊物齋罷有猿數十聯臂下高松袁氏惻然題  
壁曰無端變化幾湮沈剛被恩情役此心不如逐伴  
歸山去長嘯一聲煙霧深詩畢化老猿而去按靈運  
遊山記挂猿下飲百臂相連

李溫陵曰學者以生死爲苦海以得免生死輪迴  
爲到彼岸若常在生死不但沈溺聲酒之極者爲  
沒在苦而不能出雖爲節婦爲烈女如卓老所誇

羨○以○爲○非○眞○男○子○不○能○至○者○其○有○生○之○苦○尤○何○如○  
也○故○特○附○三○出○世○女○於○後○以○示○有○生○之○苦○須○早○證○  
無○生○之○樂○庶○不○負○卓○老○編○輯○夫○婦○之○本○意○云○

初潭集卷之五

父子一

○一教子

○伯禽與康叔見周公三見而三咎康叔有駭色謂伯禽曰有商子者賢人也與子見之乃見商子而問焉商子曰南山之陽有木焉名喬二三子往觀之見喬實高高然而上反以告商子商子曰喬者父道也南山之陰有木焉名曰梓二三子復往觀焉見梓實晉晉然而俯反以告商子商子曰梓者子道也二三子

明日見周公入門而趨登堂而跪周公拂其首勞而食之曰爾安見君子乎

○曾子有疾曾元抱首曾華抱足曾子曰吾無顏氏之木何以告汝雖無能君子務益夫華多實少者天也言多行少者人也夫飛鳥以山爲埤而層巢其巔魚鼈以淵爲淺而穿穴其內然所以得者餌也君子苟能無以利害身則辱安從至乎官怠於宦成病加於小愈禍生於懈惰孝衰於妻子

○曾子有同門生喪親白丹欲往奔慰丹不許只令寄



縑以祠或問其故丹曰交之道未易言也世稱管鮑  
次惟王貢張陳凶其終蕭朱隙其末故知全交者鮮  
矣

李卓老頂門一鍼

鄧禹有子十三人各使守一藝修整閭門教養子孫  
皆可以爲後世法

范史雲丹遭黨錮推鹿車載妻子以拮拾自資兒嘗  
拾得五斛麥鄰人尹臺遺之一斛囑兒勿通史雲後  
知卽令併送六斛還尹言麥已糶後漢書曰范從樊

英馬融受經好違時絕俗爲詭激之行

○孫權召顧雍父子及其孫譚飲譚時爲選曹尚書見任貴重是日孫權飲極懽譚醉三起舞舞又不止雍內怒之明日召譚呵責之曰君王以含垢爲德臣下以恭謹爲節何有舞不復止雖爲酒後亦由恃恩損吾家者必汝也

○王丞相與右軍書每嘆子姪不令云虎狔虎犢還其所如狔彭之小字犢彪之小字也彪之字叔虎彭之第三弟年二十而頭髮皓白故時人謂之王白髮焉

阮渾長成風氣韻度似父亦欲作達步兵曰仲容已  
預之卿不得復爾竹林七賢論曰籍之抑渾以渾未  
識已之所爲達也時竹林諸賢之風雖高而禮教尚  
峻元康中途至放蕩越禮樂廣譏之曰名教中自有  
樂地何至於此樂令之言有旨哉謂彼非玄心徒利  
其縱恣而已

不是無達意只是無玄心不恨無韻只恨無骨

王平子道眉子曰志大無量終當死塢壁間眉子夷  
甫子名玄東海王越辟爲掾後行陳留太守事大行

威罰爲塢人所害

○○○謝公云賢聖去人其間亦邇子姪未之許公歎曰若  
郗超聞此語必不至河漢

○○○說邇尚疑何況非邇

○○○謝公夫人教兒問太傅那得初不見君教兒答曰我  
常自教兒

○○○太尉劉子真清潔有志操而二子不才並黷貨致罪  
子真坐免官客曰子奚不訓導之子真曰吾之行事  
是其耳目所聞也

司馬越與阮瞻書曰禮年八歲出就外傳明始可以  
加師訓之則十年曰幼學明可漸先王之教也然學  
之所入淺體之所安深是以闢習禮容不如式瞻儀  
度諷誦遺言不若親承音旨小兒旣無令淑之資望  
諸君時以閒豫周旋誨接

〇〇〇謝虎子嘗上屋熏鼠胡兒旣無由知是父聞人道癡  
人有爲此者胡兒屢以爲戲笑之太傅因其言次語  
之曰世人以此謔中郎亦言我共作此胡兒慙熱一  
月日閑齋不出太傅虛託引已之過以相開悟可謂

德教

王尼蚤歲喪妻有一子貧居無宅惟畜露車有牛一頭每行輒使御之暮則共宿車上嘗歎曰滄海橫流處不安也

杜暹藏書皆自題跋曰請俸買來手自校子孫讀之知聖教當及借人爲不孝

徐勉戒子書曰吾清明門宅西邊旣施與宣武寺不更方幅常惟時人謂是我室古往今來豪富繼踵死其死矣知是誰室

○謝康樂父不慧早亡康樂好臧否叔混患之欲加裁  
折未有方也○謂宣遠曰非汝莫能乃與晦曜弘微等  
共遊戲瞻與靈運共在車上商較人物宣遠曰秘書  
早亡談者亦互有同異靈運默然言論自此衰止  
○王長史騫太尉儉之子騫至性凝簡不狎當世嘗語  
諸子曰吾家門戶所謂素族自可隨流平進不須苟  
求

○○○王敬弘未嘗教子孫學問各隨所欲人問之答曰丹  
朱不應乏教甯越不聞被捶

○王志居建康禁中里馬糞巷父僧虔門風寬恕志尤  
淳厚兄弟子姪皆篤實謙和時人號馬糞諸王爲長  
者

○劉殷有七子五子各授一經一子授太史一子授漢  
書一門之內七業俱興

○王僧虔戒子書汝年入立境方應從宦兼有室累何  
處復得下帷如王郎時耶各爾身已切豈復關吾鬼  
惟知愛深松茂栢寧復知汝等毀譽

○蔡王智積每懼禍自損有五男止教論語孝經亦不



令通賓客曰。兒子有才能。以致禍也。

文帝召王敬弘。子恢之爲秘書郎。敬弘爲求奉朝請。與子書曰。秘書有限。故有競朝請。無限。故無競。吾欲使汝處無競之地。

○卓吾子曰。設使恢之問曰。爾爲僕射。而使兒奉朝請乎。僕射必曰。爾今奉朝請。他日決爲僕射矣。是必會講道學來。慣討便宜者。

南陽劉麟之。隱於陽岐。桓冲嘗至其家。麟之方條桑。謂冲旣枉駕光臨。宜先詣家君。冲遂詣其父。父使麟

之自持濁酒俗蘊菜供賓冲勅入代之父曰若使官人則非野人之意也去家百里有孤嫗疾將死謂人曰劉長史當埋我驕之聞之爲治棺殯

煬帝遼東之役麥鐵杖請爲前鋒顧醫者吳景賢曰性命自有所在豈能艾炷灸頰瓜蒂歆鼻療黃不差而卧死兒女掌中乎將度遼呼三子曰阿奴備淺色黃衫吾荷國恩今是死日惟誠與孝爾其勉之

王荆公教元澤求館賓須博學善士或謂發蒙何必爾公曰先入者爲之主

○二賢子

○北平侯王譚不同王莽之政子興生五子並避時亂  
隱居西山人名其居爲五大夫城光武卽位封爲五  
侯所謂中山之五王也二館之城澗曲泉清山高林  
茂風煙披薄觸可棲情方外之士尚憑依舊居取暢  
林木

○○穎川太守髡陳仲弓客有問元方府君何如元方曰  
高明之君也足下家君何如曰忠臣孝子也客曰易  
稱二人同心其利斷金同心之言其臭如蘭何有高

明之君而刑忠臣孝子者乎元方曰足下言何其謬也故不相答客曰足下但因偏爲恭而不能答元方曰昔高宗放孝子孝已尹吉甫放孝子伯奇董仲舒放孝子符起惟此三君高明之君惟此三子忠臣孝子客慚而退

8 陳太丘詣荀朗陵貧儉無僕役乃使元方將車李方持杖後從長文尚小載著車中旣至荀使叔慈應門慈明行酒餘六龍下食文若亦小坐著膝前于時太史奏真人東行續晉陽秋曰陳仲弓從諸子姪造荀

父子。于時德星聚。太史奏五百里賢人聚。

○荀淑八子儉。鯁靖壽注。爽肅敷淑居西豪里縣令苑。康曰昔高陽氏有才子八人。遂署其里爲高陽里號。其子曰八龍。

○華歆遇子弟甚整。雖閨室之內。嚴若朝典。陳元方兄。弟恣柔愛之道。而二門之裏。兩不失雍熙之軌焉。

○陳太丘子紀。紀子羣。並有高名。天下以爲公慚卿。卿慚長。

魏舒任城人。幼孤。爲外氏寧家所養。寧氏起宅相者。

曰當出貴甥外祖母以盛氏甥小而惠謂應相也舒  
曰當爲外氏成此宅相少名遲鈍叔父衡使守水碓  
每言舒堪八百戶長我願畢矣舒不以介意身長八  
尺二寸爲後將軍鍾毓長史毓與參佐射戲舒常爲  
坐畫簾後值朋人少以舒充數舒發無不中加博措  
閑雅殆盡其妙毓歎謝之曰吾之不足盡卿如此射  
矣累遷侍中司徒

王湛字處冲太原人兄弟宗族咸以爲癡惟父昶異  
焉及昶喪居墓次兄子濟往省湛見牀頭有周易謂

湛曰叔父用此何爲頗曾看不湛笑曰體中佳時脫復看耳因共談易剖析入微妙言奇趣濟所未聞又濟性好馬而所乘馬駿駛意甚愛之湛曰此雖小駛然力薄不堪苦近見督郵馬當勝此但養不至耳濟取督郵馬穀食十數日與湛試之湛未嘗乘馬卒然馳騁步驟不異於濟湛曰今直行車路何以別馬勝不惟當就蟻封耳於是就蟻封盤馬果倒蹄

王汝南旣除所生服遂停墓所兄子濟每來拜墓略

不遺以脫時過止寒溫而已後聊試問近事答對甚

音辭出濟意外濟先略無子姪之敬既聞其言不覺凜然心形俱肅遂留共語彌日累夜濟雖雋爽自視缺然乃喟然嘆曰家有名士三十年而不知濟去叔途至門濟從騎有一馬絕難乘濟聊問叔好騎乘不濟又使騎難乘馬叔姿形既妙回策如縈雖名騎無以過之濟益歎其難測非復一事既還渾問濟何以暫行累日濟曰始得一叔渾問其故濟具歎述如此渾曰何如我濟曰濟以上人武帝每見濟輒以湛調之曰卿家癡叔死未濟常無



以答既而得叔武帝又問如前濟曰臣叔不疑穠其  
實美帝曰誰比濟曰山濤以下魏舒以上於是顯名

二十八始宦

林下諸賢各有雋才子籍子渾器量弘贍康子紹清  
遠雅正濤子簡疎通高素咸子瞻虛夷有遠志瞻弟  
孚爽朗多所遺秀子純悌並令淑有清流戎子萬子  
有大成之風苗而不秀惟伶子無聞凡此諸子惟瞻  
爲冠萬子王綏也有美號而太肥戎令食糠而肥愈  
甚年十九卒

○胡威字伯虎淮南人父質以忠清顯爲荊州威往省  
之質賜威綰一疋威跪白曰大人於何得此質曰是  
吾俸祿之餘故以爲汝糧耳威受而去至客舍自放  
鹽取樵爨食畢復逐旅進道及威爲徐州世祖賜  
見因謂之曰卿清孰與父對曰臣清不如也臣父清  
畏人知臣清畏人不知

○周鎮罷臨川郡還都未及上住泊青溪渚王丞相往  
看之時夏月暴雨卒至舫至狹小而又大漏殆無復  
坐處王曰胡威之清何以過此卽起用爲吳興郡

○司馬文正聞武陟陳玄伯何如其父司空陟曰通雅  
博暢能以天下聲教爲已任者不如也明練簡至立  
功立事過之

○正始中人士比論以五荀方五陳荀淑方陳寔荀靖  
方陳湛荀爽方陳紀荀彧方陳羣荀顗方陳泰又以  
八裴方八王裴徽方王祥裴楷方王夷甫裴康方王  
綏裴綽方王澄裴瓚方王敦裴遐方王導裴頠方王  
戎裴邈方王玄

鹽州刺史楊湛一子喬與髦俱總角爲成器淮與裴

顧樂廣友善。遣見之。顧性弘方。愛喬之有高韻。謂淮  
曰。喬當及卿髦小減也。廣性清淳。愛髦之有神檢。謂  
淮曰。喬自及卿。然髦尤精出。淮笑曰。我二兒之優劣。  
乃裴樂之優劣。論者評之。以爲喬雖高韻而檢不匝。  
樂言爲得。然並爲後出之儔。

阮籍與戎父渾俱爲尚書郎。每造渾。坐未安。輒曰。與  
卿語不如與阿戎語。就戎必日夕而返。籍長戎二十  
歲。相得如時輩。

○孫興公作庾公誄。多託寄之辭。及成。示庾。道恩。庾慨

然送還之曰先君與君自不至於此

○○郝公大聚歛有錢數千萬嘉賓常朝旦問訊郝家法子弟不坐因倚語移時遂及財貨事郝公曰汝正當欲得吾錢耳廼開庫一日令任意用郝公始正謂損數百萬許超遂一日乞與親友周旋略盡郝公聞之驚推不能已已

○庚太尉風儀偉長不輕舉止時人皆以爲假亮有大兒數歲雅重之質便自如此溫太真常隱幔恒之此見神色怡然乃徐跪曰君侯何以爲此論者謂不減

亮蘇峻時遇害或云見阿恭知元規非假

阮光祿云王家有三年少右軍安期長豫

○王述轉尚書令事行便拜文度曰故應讓杜許藍田云汝謂我堪此不文度曰何爲不堪但克讓自是美事藍田慨然曰旣云堪何爲復讓人言汝勝我定不如我

○郗司空拜北府王黃門詣郗云應變將略非其所長驟詠之不已郗倉謂嘉賓曰公今日拜子猷言語殊不遜嘉賓曰此陳壽作諸葛評人以汝家比武侯復

何所言。

○謝公問王子敬君書何如君家尊尊答曰固當不同公曰外人論殊不爾王曰外人那得知。

○謝太傅問諸子姪子弟亦何預人事而正欲使其佳諸子莫有言者車騎答曰譬芝蘭玉樹欲使其生於階庭耳。

○郗司空在北府桓宣武惡其居兵權郗於事幾素聞信遣賡詣桓方欲共獎王室修復園陵世子嘉賓聞信至急取賡視竟寸寸毀裂便更作賡曰陳老病不堪

欲乞閒地自養宣武大喜卽詔轉督五郡會稽太守  
劉尹至王長史許清言時荀子年十三倚牀邊聽阮  
去問父曰劉尹語何如尊長史曰韶音令辭不如我  
往輒破的勝我

○  
○  
謝混仍世宰相一門兩封田業十餘處僮役千人及  
坐事誅兄子弘微經紀生業事若公在一錢尺帛皆  
有文簿九年而室宇脩整倉廩充盈門徒不異平日  
田疇墾闢有加於舊混妻東鄉君歎曰僕射平生重  
此子可謂知人僕射爲不亡矣



此有俠骨可以顧托

○武帝幸豫章王疑宅宴集諸王獨不召景疑曰風景殊美今日甚憶武陵帝因召使射屢發命中帝恠之疑曰呵五常日不爾今可謂仰藉天威

○張充少好逸遊父緒嘗告歸至吳逢充正獵右臂鷹左牽狗遇緒舟至便放繼脫鞴拜於水次緒曰一身兩役母乃勞乎充跪曰充聞三十而立今二十九矣請至來歲緒曰過而能改顏子有焉明歲翻然易操尋師就學鬱爲名士

褚彥回謂任遥曰聞卿有令子相爲喜之所謂百不爲多一不爲少由是助名聲籍甚

○謝叔源與從子靈運並有美名曰望蔡肅肅如寒風振松巨康樂凜凜如霜臺籠日

○齊神武令諸子各理亂絲文宣獨抽刀斬之曰亂者須斬

○宗慤答叔父少文問所志曰願乘長風破萬里巨浪周文育少時父使人寫蔡邕勸學篇及古詩遺之文育不省曰但知有大槩耳誰能學此取富貴

○陳恭公判亳州生之日多獻老人星圖姪世修獨獻  
范蠡遊五湖圖贊曰賢哉陶朱霸越平吳名隨身後  
扁舟五湖公卽日納節

初潭集卷之五

初潭集卷之六

父子二

○一孝子

○尹吉甫有子伯奇及伯奇母死吉甫更娶後妻復生子伯邦妻譖伯奇於是吉甫聽之而放伯奇於野宣王出遊吉甫從伯奇乃作歌冀有以感悟宣王聞之曰此孝子之辭也吉甫乃求伯奇於野而射殺後妻秦康公之母晉獻公之女也文公遭驪姬之難未反而秦姬卒穆公納文公康公時爲太子贈送文公於

渭之陽念母之不見也曰我見舅氏如母存焉

○曾子從仲尼在楚而心動辭歸問母母曰思爾齧指孔子曰參之孝精感萬里

○宰我欲短喪顏回曰人知其一未知其他但知暴虎不知馮河鹿生三年其角乃墮子生三年而離父母之懷墮音多懷音窠

鮑永事後母至孝妻嘗於母前叱狗永卽去妻好名甚想必有他故也

○王祥字休徵瑯琊臨沂人祥事後母朱夫人甚謹嘗

在別床眠母自往闇斫之值祥私起空所得被方盛寒水凍母欲生魚祥解衣將剖冰求之會有冰解處魚自出焉又欲黃雀炙祥念難卒致須臾有黃雀數十飛入其幕母之所須必自奔走無不得者庭中有李始生子母使晝視鳥雀夜驅鼠一夜風雨大至祥抱泣至曉母因見之不覺惻然

魏明帝爲外祖母築館於甄氏旣成自行視謂左右曰館當以何爲名侍中繆襲曰陛下聖思齊於哲王罔極過於曾閔此館之興情鍾舅氏宜以渭陽爲名

按魏書帝於後園爲象母起觀名其里曰渭陽

○王修母以社日亡來年社日修哀感悲號鄰人爲之罷社

○王戎和嶠同遭大喪王雞骨支牀和哭泣備禮武帝謂劉仲雄曰卿數省王和不聞和哀苦過禮使人憂之仲雄曰和嶠雖備禮神氣不損王戎雖不備禮而哀毀骨立臣以和嶠生孝王戎死孝陛下不應憂嶠而應憂戎

○王安豐遭艱至性過人裴令往吊之曰若使一慟果

能傷人濟冲、必不免滅性之譏。曲禮曰：居喪之禮，毀瘠不形，視聽不衰，不勝哀。乃比於不孝，不慈。孝經曰：毀不滅性，聖人之教也。

○趙至字景真，漢末其祖流宕客緱氏，令新之官。至年十二，與母共在道傍看。母曰：汝先世非微賤家也。汝後能如此，不至曰能歸，便就師。蚤起誦書，聞父咍叱牛聲，釋書而泣。師問之，答曰：自傷不能致榮華，而使老父不免勤苦。

趙至論議清辯，有縱橫才。孟元基辟爲遼東從事，在



郡斷九獄號稱神明自痛棄親遠遊母亡不見吐血  
發病而亡

阮籍嘗葬母蒸一肥豚飲酒二斗然後臨訣直言窮  
矣都得一號因吐血廢頓良久鄧粲晉紀曰籍母將  
死與人圍棋如故對者求止籍不肯留與決賭既而  
飲酒一二斗舉聲一號嘔血數升廢頓久之

阮步兵喪母裴令公往吊之阮方醉散髮坐牀箕踞  
不哭裴至下席於地哭吊唁畢便去或問裴凡吊主  
人哭客乃爲禮君何爲哭裴曰阮方外之人故不崇

禮制我輩俗中人故以儀軌自居名士傳曰阮籍喪  
親不率常禮裴楷往吊之遇籍方醉散髮箕踞楷哭  
泣盡哀而退其安同異如此戴逵論之曰若裴公之  
制弔欲冥外以護內有達意也有弘防也

### 戴逵通

阮籍遭母喪在晉文王坐進酒肉司隸何曾亦在坐  
曰明公方以孝治天下而阮籍以重喪顯於公坐飲  
酒食肉宜流之海外以正風教文王曰嗣宗毀損如  
此君不能共憂之且有疾而飲酒食肉固喪禮也籍

飲。嗽。不。輟。神。色。自。若。

○祖光祿少孤貧性至孝常自爲母炊爨作食王平北  
聞其佳名以兩婢餉之因取爲中郎有人戲之者曰  
奴價倍娼祖云百里奚亦何必輕於五穀之皮邪  
○吳郡陳遺家至孝母好食鑑底焦飯遺作郡主簿恒  
裝一囊每煮食輒貯錄焦飯歸以遺母後值孫恩賊  
出吳郡袁府君山松卽日便征遺已聚斂得數斗焦  
飯米展歸家遂帶以從軍戰於淝濱而敗軍人潰散  
逃走山澤皆多饑死遺獨以焦飯得活人以爲純孝

之也

○王長豫爲人謹順事親盡色養之孝丞相見長豫輒喜見敬豫輒嗔悅與丞相語恒以慎密爲端丞相還臺及行未嘗不送至車後恒與曹夫人併當箱篋悅亡後丞相還臺登車後哭至臺門曹夫人作簾封而不忍開

○陶侃在武昌與佐吏飲燕常有飲限或勸少進侃悽然曰昔年少時曾有酒失慈親見約故不敢踰及侃母憂在墓下忽有二客來吊儀服鮮異遣隨視之

卷之六  
五  
是雙鶴冲天而去

桓南郡船泊荻渚王大往看桓桓爲設酒不能冷飲  
頻語左右令溫酒來桓乃流涕嗚咽王便欲去桓以  
手巾掩淚因謂王曰犯我家諱何預卿事王歎曰靈  
寶故自達語林曰玄不立忌日止立忌時其達而不  
拘皆此類

○殷仲堪父病虛悸聞牀下蟻動謂是牛鬪孝武不知  
是殷公問仲堪有一般病如此不仲堪流涕而起曰  
臣進退維谷

○王僕射在江州爲殷桓所逐奔竄豫章存亡未測王綏在都旣憂懣在貌居處飲食每事有降時人謂爲試守孝子綏愉子也自王渾至坦之六世盛德綏又知名於時冠冕莫與爲比

○焦華父遺病甚冬月思瓜華夢一人黃冠謂曰聞子病父思瓜故送子瓜華拜而受及寤在手瓜香異甚父食瓜而病愈

○王珣疾臨困問王武岡曰世論以我家領軍比誰武岡曰世以比王北中郎東亭轉卧向壁嘆曰人固不

可以無年、

○江泌字士深、有孝行、族有與泌同名者、世謂爲孝泌、以別之、然食菜不食心、謂其有生、意衣敝多蝨、以綿置蝨、

腐矣。

○阮孝緒於鍾山聽講、母忽有疾、兄弟欲召之、母曰、孝緒至性、冥通、必當自到、果心驚而還。

○徐仲原望江人、親喪廬墓、禽採花而挿墳、獸銜土而壘隴、

張敷生母亡數歲聞之雖童蒙便有慕感之色至十歲許求母遺物而散施已盡惟得一畫扇乃緘錄之每至感恩輒開筭流涕

八 殷陶汝南人年十二遭父憂有長蛇帶其門舉家奔走陶以喪柩在獨居廬不動

李德林父校書亡時正嚴冬單縗徒跣自駕靈輿反葬博陵豪族崔謐者休暇還鄉將赴吊德林從者數十騎稍稍減留比至德林門纔餘五騎云不得令李生恠人熏灼



朱百年家貧母以冬月亡衣無絮百年自此不衣絮  
帛時就孔思遠宿思遠以卧具覆之百年不知既覺  
引去謂思遠曰綿定奇溫因流涕悲慟思遠亦爲感  
泣

○庾域有孝行母好鶴唳域孜孜營求一日雙鶴來下  
後守巴西梓潼二郡魏襲巴西域固守糧盡將士斃  
草供食無有離心卒於官子孝卿奉喪歸至巴東淫  
預石瞿塘大灘秋水猶壯子輿撫心長叫其夜水忽  
減退安流而下既渡水壯如舊時人爲之語曰淫預

如幙本不通瞿塘水退爲庾公李生曰水退安流固爲庾公亦爲庾子

○二文子

○盧志於衆坐問陸士衡陸遜陸抗是君何物答曰如卿於盧毓盧瑛士龍失色旣出戶謂兄曰何至如此彼容不相知也士衡正色曰我父祖名播海內寧有不知鬼子敢爾

○潘京舉秀才到洛樂廣與共談累日深歎其才謂之曰君天才過人若學必爲一代談宗京感其言遂勤

學不倦時武陵太守戴昌與京共談京假借之昌以爲不如已令過其子若思京方極其言論昌竊聽之乃歎服曰才不可假遂父子俱屈焉

○裴散騎娶王太尉女婚後三日諸壻大會當時名士王裴子弟悉集郭子玄在坐挑與裴談子玄才甚豐贍始數交未快郭陳張甚盛裴徐理前語理致甚微四坐咨嗟稱快王亦以爲奇謂諸人曰君輩勿爲爾將受困寡人女壻

○謝公因子弟集聚問毛詩何句最佳過稱曰昔我往

柳依依今我不思雨雪霏霏公曰訐謏定命遠  
永告此句偏有雅人深致

謝太傅問主簿陸退張憑何以作母誄而不作父誄  
退答曰故當是丈夫之德表於事行婦人之美非誄  
不顯

崔瞻字彥通悛之子魏孝靜嘗入日登雲龍門悛瞻  
皆侍宴有應詔詩帝問曰瞻詩傳如其父劭曰  
悛博雅弘麗瞻氣新謙罷咸曰今日之謙并爲  
崔瞻父子

謝超宗好學、有文辭、爲新安王子鸞常侍、時王母殷淑妃卒、超宗作誄奏之、上大嗟、賞曰、超宗殊有鳳毛、超宗謝鳳子、靈運孫、

王筠與諸兒書、史稱安平崔氏、汝南應氏、並累葉有文才、故蔚宗云、崔氏雕龍、然不過父子兩三世耳、非有七葉之中、名德重光、爵位相繼、人八有集如吾門者也、

○沈約指其子謂陸喬曰、此吾愛子也、少聰慧、好讀書、因以青箱名之、

○虞世南子昶歷將作少匠工部侍郎許敬宗曰護兒  
見作相世南男作匠文武豈有種耶

○宋之間父令文富文辭且工書有力絕人世稱三絕  
既之間以文章起第之悌以躋勇聞之遜精草隸皆  
得父一絕

初潭集卷之六